



IZVJEŠTAJ

O FINANSIJSKOJ REVIZIJI

AGENCIJE ZA ANTIDOPING KONTROLU
BOSNE I HERCEGOVINE

ZA 2016. GODINU

Broj: 01/02/03-09-16-1-548/17

Sarajevo, maj 2017. godine



SADRŽAJ

I	MIŠLJENJE REVIZORA.....	3
1.	MIŠLJENJE O FINANSIJSKIM IZVJEŠTAJIMA	3
2.	MIŠLJENJE O USKLAĐENOSTI	4
II	KRITERIJI ZA REVIZIJU	6
III	IZVJEŠTAJ O REVIZIJI.....	7
1.	Uvod.....	7
2.	Realizacija ranijih preporuka.....	7
3.	Sistem internih kontrola	7
4.	Budžet i izvještavanje.....	8
5.	Izvršenje budžeta	9
6.	Bilans stanja.....	9
7.	Javne nabavke	9
8.	Prihodi	10
9.	Ostalo.....	10
10.	Komentari.....	11
	Prilozi	11

I MIŠLJENJE REVIZORA

1. MIŠLJENJE O FINANSIJSKIM IZVJEŠTAJIMA

Izvršili smo reviziju finansijskih izvještaja **Agencije za antidoping kontrolu BiH (u daljem tekstu: Agencija)** za 2016. godinu koji obuhvataju: bilans stanja, pregled prihoda, primitaka i finansiranja, pregled rashoda i izdataka iz budžeta, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja i analizu izvršenja budžeta – tekstualni dio.

Odgovornost rukovodstva za finansijske izvještaje

Rukovodstvo Agencije odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu sa računovodstvenim politikama i procedurama za korisnike budžeta institucija BiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze uslijed prijevare ili greške.

Odgovornost revizora

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija Bosne i Hercegovine¹ i primjenjivim Međunarodnim standardima vrhovnih revizionih institucija (ISSAI 1000–1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji Agencije ne sadrže značajne pogrešne iskaze. Revizija uključuje obavljanje postupaka u cilju pribavljanja revizionih dokaza o iznosima i objavama u finansijskim izvještajima. Izbor postupka je zasnovan na prosudbi revizora, uključujući procjenu rizika značajnog pogrešnog prikazivanja u finansijskim izvještajima uslijed prijevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja u cilju odabira revizionih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor također ocjenjuje finansijsko upravljanje, funkciju interne revizije i sisteme internih kontrola.

Vjerujemo da su pribavljeni revizioni dokazi dovoljni i odgovarajući i da osiguravaju osnovu za naše mišljenje.

¹ U skladu sa Zakonom o reviziji institucija Bosne i Hercegovine, Ured za reviziju u okviru finansijske revizije provodi reviziju finansijskih izvještaja i, u vezi s istom, reviziju usklađenosti.

Mišljenje

Prema našem mišljenju, finansijski izvještaji Agencije prikazuju fer i istinito, u svim materijalnim aspektima, stanje imovine, obaveza i izvora sredstava na 31.12.2016. godine i izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.

2. MIŠLJENJE O USKLAĐENOSTI

U vezi s revizijom finansijskih izvještaja Agencije za 2016. godinu, izvršili smo i reviziju usklađenosti aktivnosti, finansijskih transakcija i informacija sa značajnim zakonima i drugim propisima kojima se Agencija rukovodi.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, rukovodstvo Agencije je također odgovorno da osigura da su aktivnosti, finansijske transakcije i informacije u skladu sa propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora

Reviziju usklađenosti smo izvršili u skladu sa Zakonom o reviziji institucija BiH i ISSAI 4000 – Standard za reviziju usklađenosti.² Pored navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bismo pribavili revizione dokaze o tome da li se sredstva koriste za odgovarajuće namjene i da li je poslovanje Agencije, prema definisanim kriterijima, usklađeno sa zakonima i drugim propisima.

Vjerujemo da su pribavljeni revizioni dokazi dovoljni i odgovarajući i da osiguravaju osnovu za naše mišljenje.

² Novi ISSAI 4000 je usvojen u decembru 2016. godine i zamjenjuje ranije ISSAI 4000, 4100 i 4200.



Mišljenje

Prema našem mišljenju, aktivnosti, finansijske transakcije i informacije Agencije za 2016. godinu u skladu su, u svim materijalnim aspektima, sa zakonima i drugim propisima kojima su regulisane.

Sarajevo, 05.05.2017. godine

GENERALNI REVIZOR

Dragan Vrankić, v.r.

ZAMJENIK GENERALNOG REVIZORA

Jasmin Pilica, v.r.

ZAMJENIK GENERALNOG REVIZORA

Ranko Krsman, v.r.

II KRITERIJI ZA REVIZIJU

Ured za reviziju institucija Bosne i Hercegovine provodi reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijeva proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Kriteriji za reviziju:

- Zakon o budžetu institucija BiH i međunarodnih obaveza BiH za 2016. godinu;
- Zakon o finansiranju institucija BiH;
- Zakon o javnim nabavkama i podzakonski akti;
- Zakon o plaćama i naknadama u institucijama BiH i podzakonski akti;
- Zakon o porezima na dohodak i Zakon o doprinosima (FBiH i RS);
- Zakon o državnoj službi u institucijama BiH i podzakonski akti;
- Zakon o radu u institucijama BiH i podzakonski akti;
- Pravilnik o računovodstvu s računovodstvenim politikama i procedurama za korisnike budžeta institucija BiH;
- Pravilnik o finansijskom izvještavanju institucija BiH.

III IZVJEŠTAJ O REVIZIJI

1. Uvod

Agencija je osnovana Zakonom o sportu u Bosni i Hercegovini³ kao samostalna upravna organizacija. Radom Agencije rukovodi direktor koga imenuje Vijeće ministara BiH na mandat od četiri godine. Unutrašnja organizacija Agencije utvrđena je Pravilnikom o unutrašnjoj organizaciji i radu kojeg donosi direktor uz saglasnost Vijeća ministara BiH.

Agencija je nadležna da: sistemski prati i koordinira aktivnosti protiv dopinga u sportu, predlaže i sprovodi mjere protiv dopinga u sportu, primjenjuje konvencije, kodekse WADA⁴ i pravila Međunarodnog olimpijskog komiteta, Međunarodnog paraolimpijskog komiteta i međunarodnih sportskih saveza, kao i da rukovodi pripremama i procedurama za donošenje zakona kojim se uređuje ova oblast.

Za obavljanje poslova i zadataka iz nadležnosti Agencije, uspostavljene su dvije osnovne organizacione jedinice: Sektor za administraciju, međunarodnu saradnju i odnose s javnošću i Sektor za antidoping kontrolu, prevenciju, edukaciju, istraživanje i razvoj. Sjedište Agencije je u Tuzli.

2. Realizacija ranijih preporuka

Ured za reviziju institucija BiH izvršio je finansijsku reviziju Agencije za 2015. godinu, sačinio Izvještaj o finansijskoj reviziji i dao pozitivno mišljenje. U Izvještaju za 2015. godinu nisu uočene slabosti i nedostaci te stoga nisu ni date preporuke.

3. Sistem internih kontrola

Agencija je odgovorna za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

Organizacija i rukovođenje: Unutrašnja organizacija i način rada Agencije utvrđeni su Pravilnikom o unutrašnjoj organizaciji koji je donesen još 2009. godine. Agencija je u skladu s Odlukom Vijeća ministara BiH o principima za utvrđivanje unutrašnje organizacije organa uprave BiH i Odlukom o razvrstavanju radnih mjesta i kriterijima za opis poslova radnih mjesta u institucijama BiH⁵, pokrenula aktivnosti na donošenju novog pravilnika, međutim, iste ni u 2016. godini nisu okončane. Agencija još uvijek, s Ministarstvom pravde Bosne i Hercegovine, radi na usklađivanju odredbi nacrtu pravilnika.

Preporučujemo Agenciji da, u skladu sa definisanim principima, ubrza aktivnosti na usklađivanju pravilnika o unutrašnjoj organizaciji.

³ Službeni glasnik BiH, broj 27/08 i 102/09

⁴ Svjetska antidoping agencija

⁵ Službeni glasnik BiH, broj 30/13

Prema važećem Pravilniku o unutrašnjoj organizaciji i sistematizaciji radnih mjesta u Agenciji je sistematizovano 11 radnih mjesta. Na 31.12.2016. godine u Agenciji je bilo zaposleno devet osoba, koliko je i predviđeno budžetom. Jedno od nepopunjenih radnih mjesta je rukovodeće radno mjesto – pomoćnika direktora za prevenciju, edukaciju, istraživanje i razvoj.

Finansijsko upravljanje i kontrola: Agencija je preduzela aktivnosti na implementaciji sistema finansijskog upravljanja i kontrole, u skladu sa Zakonom o finansiranju institucija BiH, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH. Pored donesene Strategije upravljanja rizicima, Agencija je definisala registar rizika, kao i mapu poslovnih procesa. Imenovana je Radna grupa za uspostavljanje i razvoj sistema finansijskog upravljanja i kontrole i procesa upravljanja rizicima, čije efekte rada ćemo moći da sagledamo u 2017. godini. Agencija je popunila obrazac Godišnjeg izvještaja o finansijskom upravljanju i kontroli za 2016. godinu i isti blagovremeno dostavila Centralnoj harmonizacijskoj jedinici Ministarstva finansija i trezora BiH.

Interna revizija: U skladu sa Zakonom o internoj reviziji institucija BiH⁶ i Odlukom o kriterijima za uspostavljanje jedinica interne revizije u institucijama BiH⁷, internu reviziju u Agenciji vrši Jedinica za internu reviziju Ministarstva civilnih poslova BiH. Sporazum o vršenju funkcije interne revizije u Agenciji potpisan je u oktobru 2015. godine. U 2016. godini nije planirana niti provođena interna revizija u Agenciji.

4. Budžet i izvještavanje

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2016. godinu⁸, Agenciji su odobrena sredstva u iznosu od 765.000 KM, od čega je za tekuće izdatke odobreno 710.000 KM, a za kapitalna ulaganja 55.000 KM. Za finansiranje kapitalnih ulaganja odobreno je 50.000 KM iz budžeta i 5.000 KM od prodaje osnovnih sredstava Agencije. S obzirom na to da je Agencija prodajom osnovnih sredstava (vozila) ostvarila prihod od 13.131 KM te je uz pribavljenu saglasnost Ministarstva finansija i trezora promijenjena namjenska struktura kapitalnih ulaganja, ista je uvećana za dodatnu vrijednost ostvarenog prihoda (8.131 KM).

Pored toga, Agenciji su u 2016. godini bila operativna i sredstva iz donacije u vrijednosti od 18.411 KM. Tako je, u konačnici, Agencija u 2016. godini raspolagala sredstvima u ukupnom iznosu od 791.542 KM.

Godišnje finansijske izvještaje za 2016. godinu Agencija je sačinila i dostavila nadležnim organima i institucijama u skladu sa važećim propisima i u utvrđenom roku. Također, Godišnji izvještaj o realizaciji Plana i programa rada Agencije za 2016. godinu dostavljen je na usvajanje Vijeću ministara BiH. Isti je usvojen 12. aprila 2017. godine. Godišnji finansijski izvještaji Agencije objavljeni su na web stranici – www.ada.gov.ba.

Programom rada Agencije planirana je izrada Nacrta zakona o sprečavanju dopinga u sportu u Bosni i Hercegovini, kao i izrada podzakonskih akata koji proizlaze iz tog zakona, međutim, isti tokom 2016. godine nije izrađen. Agencija kao odgovorna institucija preuzela je obavezu usklađivanja propisa sa Svjetskim antidopinškim kodeksom. Ocjenu usklađenosti propisa vrši

⁶ Službeni glasnik BiH, broj 27/08 i 32/12

⁷ Službeni glasnik BiH, broj 49/12

⁸ Službeni glasnik BiH, broj 101/15

WADA. S obzirom na to da se kasnilo s navedenim aktivnostima, izrada Zakona je prolongirana za 2017. godinu.

5. Izvršenje budžeta

U Godišnjem finansijskom izvještaju Agencije za 2016. godinu, iskazani su rashodi u iznosu od 704.313 KM, što u odnosu na raspoloživi budžet u iznosu od 791.542 KM predstavlja ostvarenje od 89%.

Značajni izdaci evidentirani su na poziciji bruto plaće (277.569 KM), ugovorene i druge posebne usluge (204.630 KM) te nabavku opreme (62.877 KM).

Pregled rashoda budžeta prikazan je u Tabeli I u prilogu Izvještaja.

5.1. Ugovorene i druge posebne usluge

Izdaci za ugovorene usluge realizovani su u iznosu od 204.630 KM, u značajnom dijelu evidentirani su na poziciji ostale medicinske i laboratorijske usluge (138.346 KM) i poziciji ugovora o djelu (37.988 KM).

Agencija je u skladu sa Svjetskim antidopinškim kodeksom te WADA tehničkim dokumentom za specifične analize u određenim sportovima tokom 2016. godine na zahtjev zainteresovanih strana vršila doping kontrole sportista. Za potrebe obavljanja ovih kontrola, Agencija je izvršila nabavku laboratorijskog materijala u vrijednosti od 22.909 KM, kao i angažman vanjskih saradnika. Agencija je tokom godine po potrebi angažovala vanjske saradnike, doping kontrolore te za njihov rad isplatila naknadu u ukupnom iznosu od 28.947 KM. Laboratorijsku uslugu analize uzetih testova Agenciji je, u skladu sa zaključenim ugovorom, pružala ovlaštena laboratorija iz Rumunije. Za usluge laboratorijske analize doping testova urina i krvi Agencija je platila 138.346 KM.

6. Bilans stanja

Aktiva Agencije se odnosi na gotovinu i kratkoročna potraživanja (3.767 KM) i stalna sredstva iskazana po sadašnjoj vrijednosti (91.349 KM). Pasiva se odnosi na kratkoročne tekuće obaveze (101.502 KM) i izvore sredstava (91.349 KM). Agencija je izvršila popis stalnih sredstava, novčanih sredstava, potraživanja i obaveza, te sitnog inventara na 31.12.2016. godine.

Bilans stanja prikazan je u Tabeli II u prilogu Izvještaja.

7. Javne nabavke

Agencija je donijela Plan javnih nabavki za 2016. godinu, kako je propisano Zakonom o javnim nabavkama. Odlukom direktora, za svaku pojedinačnu nabavku formira se komisija. Agencija je u 2016. godini jedan ugovor zaključila na osnovu provedenog otvorenog postupka, šest na osnovu provedenog konkurentskog zahtjeva za dostavljanje ponuda, a ostale nabavke, manje vrijednosti, vršene su putem direktnog sporazuma. Prema Izvještaju o ukupnom broju

postupaka i ukupnoj vrijednosti dodijeljenih ugovora po vrsti postupka i predmetu nabavke (izvještaj iz e-nabavke), ukupna vrijednost svih zaključenih ugovora u 2016. godini iznosila je 332.953 KM.

8. Prihodi

U Godišnjem finansijskom izvještaju za 2016. godinu, ukupno ostvareni prihodi i primici iskazani su u iznosu od 31.542 KM, što je u odnosu na prihode i primitke planirane budžetom za 26.542 KM više.

Strukturu prihoda i primitaka iskazanih u finansijskim izvještajima čini prihod od prodaje vozila (13.131 KM) i prihod od novčanih donacija (18. 411 KM).

Pored navedenih prihoda, Agencija, kao institucija zadužena za praćenje i sprovođenje međunarodnih konvencija protiv dopinga u sportu u Bosni i Hercegovini, vrši doping kontrolu po zahtjevu, prilikom održavanja sportskih manifestacija. Tokom 2016. godine Agenciji su podnesena tri zahtjeva za doping kontrolu te je Agencija za navedenu uslugu fakturisala i naplatila 5.701 KM. Ostvareni prihod, u skladu s instrukcijom dobijenom od strane Ministarstva finansija i trezora, nije evidentiran na poziciji prihoda u Glavnoj knjizi Agencije, već u poslovnim knjigama Ministarstva finansija i trezora.

9. Ostalo

9.1. Donacije

Agenciji je u 2016. godini, na osnovu aplikacije iz prethodne godine, UNESCO odobrio projekat pod nazivom „Istraživanje o primjeni UNESCO međunarodne konvencije protiv dopinga u sportu i obuka doping kontrolora za uzimanje uzoraka krvi“. Ukupna vrijednost odobrenog projekta je 11.915,00 \$. Agencija je u 2016. godini na ime ovog projekta raspolagala sa sredstvima u vrijednosti od 18.411 KM, koliko je i utrošeno zaključno sa 31.12.2016. godine. U momentu obavljanja završne revizije aktivnosti po ovom projektu su bile okončane.

10. Komentari

Agencija je u ostavljenom roku dostavila dopis u kome nas je obavijestila da nema komentara na sadržaj Nacrta izvještaja.

Vođa tima za finansijsku reviziju

Nataša Pavlović, viši revizor, v.r.

Rukovodilac Odjela za finansijsku reviziju

Nedžad Hajtić, viši revizor, v.r.

Članovi tima za finansijsku reviziju

Iva Zeljko, revizor, v.r.

Lutvija Šrndić, revizor, v.r.

Rukovodilac Odjela za razvoj, metodologiju i kontrolu kvaliteta

Dragoljub Kovinčić, viši revizor, v.r.

Prilozi

Tabela I – Pregled rashoda budžeta za 2016. godinu

Tabela II – Bilans stanja na 31.12.2016. godine

Izjava o odgovornostima rukovodstva

Pregled rashoda budžeta za 2016. godinu

Naziv institucije: Agencija za antidoping kontrolu BiH

Tabela I

Opis	Odobreni budžet	Usklađiva- nja budžeta	Ukupni budžet (2+3)	Izvršenje budžeta	Indeks 5/4
1	2	3	4	5	6
1. Tekući izdaci	710.000	0	710.000	623.026	88
Bruto plaće i naknade	284.000		284.000	277.569	98
Naknade troškova zaposlenih	33.000		33.000	23.839	72
Putni troškovi	50.000		50.000	33.753	68
Izdaci telefonskih i pošt. usluga	17.000		17.000	12.388	73
Izdaci za energiju i kom. usluge	2.000		2.000	0	0
Nabavka materijala	40.000		40.000	38.649	97
Izdaci za usluge prijevoza i goriva	20.000		20.000	7.277	36
Unajmljivanje imovine i opreme	14.000		14.000	11.214	80
Izdaci za tekuće održavanje	12.000		12.000	10.444	87
Izdaci za osiguranje	4.000		4.000	3.263	82
Ugovorene i druge posebne usluge	234.000		234.000	204.630	87
2. Kapitalni izdaci	55.000	8.131	63.131	62.877	100
Nabavka zemljišta			0		
Nabavka građevina			0		
Nabavka opreme	55.000	8.131	63.131	62.877	100
Nabavka ostalih stalnih sredstava			0		
Rekonstrukcija i investiciono održ.			0		
3. Tekući grantovi	0	0	0	0	
			0		
			0		
4. Višegodišnja kapitalna ulaganja	0	0	0	0	
			0		
5. Novčane donacije	0	18.411	18.411	18.411	100
Donacija UNESCO		18.411	18.411	18.411	100
Ukupno (1+2+3+4+5)	765.000	26.542	791.542	704.313	89

Rukovodstvo je Pregled rashoda budžeta po ekonomskim kategorijama odobrilo 27.02.2017. godine.

Direktor:
Slavko Matić

Bilans stanja na 31.12.2016. godine

Naziv institucije: Agencija za antidoping kontrolu BiH

Tabela II

Opis	31.12.2015.	31.12.2016.	Indeks 3/2
1	2	3	4
1. Gotovina, krat. potraživanja, razgraničenja i zalihe	5.201	3.767	72
Novčana sredstva	5.191	3.695	71
Kratkoročna potraživanja	10	72	728
Kratkoročni plasmani			
Interni finansijski odnosi			
Zalihe			
Kratkoročna razgraničenja			
2. Stalna sredstva	47.125	91.349	194
Stalna sredstva	186.812	199.693	107
Ispravka vrijednosti	139.687	108.344	78
Neotpisana vrijednost stalnih sredstava	47.125	91.349	194
Dugoročni plasmani			
Dugoročna razgraničenja			
UKUPNO AKTIVA (1+2)	52.326	95.116	182

3. Kratkoročne obaveze i razgraničenja	68.838	101.502	147
Kratkoročne tekuće obaveze	46.873	76.996	164
Kratkoročni krediti i zajmovi			
Obaveze prema zaposlenima	21.965	24.505	112
Interni finansijski odnosi			
Kratkoročna razgraničenja			
4. Dugoročne obaveze i razgraničenja	0	0	
Dugoročni krediti i zajmovi			
Ostale dugoročne obaveze			
Dugoročna razgraničenja			
5. Izvori sredstava	47.125	91.349	194
Izvori sredstava	47.125	91.349	194
Ostali izvori sredstava			
Neraspoređeni višak prihoda/rashoda			

UKUPNO PASIVA (3+4+5)	115.963	192.851	166
------------------------------	----------------	----------------	------------

Napomena: Pravilnikom o finansijskom izvještavanju institucija Bosne i Hercegovine, čl.10. stav 4, napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo 27.02.2017. godine.

Direktor:

Slavko Matić

Izjava o odgovornostima rukovodstva

Međunarodni standard vrhovnih revizionih institucija (ISSAI 1580) predviđa da revizor treba da dobije odgovarajuću izjavu od rukovodstva institucije kao dokaz da rukovodstvo priznaje svoju odgovornost za objektivno prikazivanje finansijskih izvještaja saglasno mjerodavnom okviru finansijskog izvještavanja, te da je odobrilo finansijske izvještaje.

Rukovodstvo **Agencije za antidoping kontrolu Bosne i Hercegovine** (u daljem tekstu: Agencija) dužno je da osigura da finansijski izvještaji za 2016. godinu budu izrađeni u skladu sa Zakonom o finansiranju institucija BiH (Službeni glasnik BiH broj 61/04, 49/09, 42/12, 87/12 i 32/13), Pravilnikom o finansijskom izvještavanju institucija BiH (Službeni glasnik BiH broj 25/15) i Pravilnikom o računovodstvu sa računovodstvenim politikama i procedurama za korisnike budžeta institucija BiH (protokol Ministarstva finansija i trezora BiH broj 01-08-02-1-1515-1/15 od 04.02.2015. godine). Rukovodstvo je također obavezno da postupa u skladu sa Zakonom o budžetu institucija BiH i međunarodnih obaveza BiH za 2016. godinu (Službeni glasnik BiH broj 101/15) i pratećim uputstvima, objašnjenjima i smjernicama koje donosi Ministarstvo finansija i trezora BiH, kao i ostalim zakonima u Bosni i Hercegovini, tako da finansijski izvještaji daju fer i istinit prikaz finansijskog stanja Agencije.

Pri sastavljanju takvih finansijskih izvještaja odgovornosti rukovodstva obuhvataju garancije:

- da je osmišljen i da se primjenjuje i održava sistem internih kontrola koji je relevantan za pripremu i fer prezentaciju finansijskih izvještaja;
- da finansijski izvještaji ne sadrže materijalno značajne pogrešne iskaze;
- da finansijski izvještaji sadrže sve relevantne podatke i analize izvršenja budžeta, kao i podatke o sistemu internih kontrola i realizaciji preporuka revizije;
- da se u poslovanju primjenjuju važeći zakonski i drugi relevantni propisi.

Rukovodstvo je također odgovorno za čuvanje imovine i resursa od gubitaka, pa tako i za preduzimanje odgovarajućih mjera da bi se spriječile i otkrile pronevjere i ostale nezakonitosti.

Datum, 14.04.2017. godine

Direktor:

Slavko Matić